

# 慎宜轩日记

下



国家清史编纂委员会·文献丛刊

国家清史编纂委员会·文献丛刊

# 慎宜轩日记

下

(清) 姚永概 著 沈寂等 标点 黄山书社

图书在版编目(CIP)数据

慎宜轩日记 / (清) 姚永概著; 沈寂等标点. —合肥: 黄山书社, 2010. 6  
ISBN 978-7-5461-1432-3

I. ①慎… II. ①姚… III. ①日记-作品集-中国-近代 IV. ①I265.5

中国版本图书馆 CIP 数据核字(2010)第 119359 号

慎宜轩日记 姚永概 著 沈寂 等 标点

出 版 人: 左克诚  
责任印制: 李 磊

责任编辑: 赵国华 欧阳慧娟  
装帧设计: 龙传人 徐力坚

出版发行: 时代出版传媒股份有限公司(<http://www.press-mart.com>)

黄山书社(<http://www.hsbook.cn/index.asp>)

(合肥市翡翠路 1118 号出版传媒广场 7 层 邮编: 230071)

经 销: 新华书店

印 制: 安徽新华印刷股份有限公司

电 话: 0551-5859138

开本: 787×1092 1/16

印张: 96

字数: 2256 千

版次: 2010 年 11 月第 1 版 2010 年 11 月第 1 次印刷

书号: ISBN 978-7-5461-1432-3

定价: 400.00 元(上下册)

(本版图书凡印刷、装订错误可及时向承印厂调换)

## 第十九册

戊戌十一月起至庚子二月廿八日止

### 戊戌日记

十一月朔日 晴，见冰

入署阅卷。

初二日 晴

读《管子》。服药。阅卷。

初三日 晴

入署阅卷毕。读《管子》。偕巨农、醉樵入市小游。服药。

初四日 晴

读《管子》。往贺许有章移居，过拱垣、澹安。

初五日 晴

读《管子》。偕巨农、澹安入市购物，遂邀饮于市，兼招纯士来。

初六日 晴，微温

读《管子》。澹安招饮。

初七日 晴

读《管子》。复庆筠、子京信，又字寄枣侄。

初八日 晴

读《管子》。

初九日 晴

读《管子》。得仲葵信，赠《明三十家诗》一部，复一缄。

初十日 晴

读《管子》。作字与伦叔。

十一日 晴

读《管子》。

十二日 晴

读《管子》。潘覲臣来，藜阁太守之孙也，以存款于周澄之处小有纠葛，携外舅函托余一言之。又得枣侄信、通伯信。

十三日 晴

回看潘君。入署阅卷。访周澄之，言潘款事，今年利息千五百余金先付之，本银二万则俟之明年云。

十四日 晴

入署阅卷。得次德信。

十五日 晴

阅卷。潘君来辞归。作书复次德并寄粉八瓶。

十六日 晴

巨农为写秦师寿文共四幅。

十七日 早小雪，晚晴

入署阅卷毕，与橘圃小谈。巨农欲赠吉帆先生七十一联，以“人生七十古来稀”句求偶，余偶忆惜抱寄吴殿麟句有“弟子三千周士贵”语可以配之，亦深切先生门墙之盛。

十八日 阴

阅《农学报》。

十九日 晴

阅《农学报》。读《管子》。晤新来教士李立德，英人。

二十日 阴

东人太夫人生日，贺焉。午后偕景周、巨农入市购物，饮茶肆中。得伦叔信。

二十一日 阴

读《管子》。夜梦大兄，哭而醒。

二十二日 晴

得范甥况信并时文四篇。偕巨农、澹安、纯士购物、饮茶。

二十三日 晴

读《管子》。前夕梦与二兄侍大人立一檐下，见诸仆纷纷衣冠从右旁一门去，若迎喜者。须臾人持一红纸与余，惟正中最下书一小“莢”字，醒殊不解，聊记之。又梦一相士来相余，言：面上少一纹，不可得状元，只可探花耳。此则或由思梦也。

二十四日 晴

得范甥罕信，仲葵、静潭信。静潭所选文鉴以《发凡》来，多不妥处，意欲争之，然其人自是，未必可从耳。偕伯梁、仲吕、季华、巨农及蔡君访教士李德立夫妇。

二十五日 阴，欲雪

偕巨农、澹安购物，纯士、鉴庭招饮于市，麟樵在坐。写读文法示范之。

二十六日 晴

购物。晚，麟樵招饮。往麟洲所。

二十七日 阴

往拱垣、蔚民所。麟洲来谈。得二兄信。

二十八日 阴，细雨

澹安招至江干，食戴五家汤面，甚佳，遂上船渡江，住招商筵船上。晤汪允升湖州人，伯梁函托也。浴于市堂中。

二十九日 晴

允升招食肴鸭、汤包、面，皆镇江有名之品也。邀景周、巨农听剧。晚附江宽船中，客仓与房仓皆满，坐船尾，颇为风所苦。

三十日 晴

船中晤潜山江晓暘、谐钦二君。夜三更到安庆。

十二月初一日 晴

往伦叔、常季家。同常季访萧敬孚丈，丈赠余朱子大像、新刊《历朝诗选》。又访子善、梦霆。

初二日 晴

回县，宿练潭。

初三日 晴

晚抵舍。

初四日 阴

往七姨母、大姊家与通老谈。往绍纶、聘莘、仲霞各家。

初五日 雪

看宋人律诗。

初六日 雪

七姨母、大姊来。

初七日 霁

志卿、克成、菊裳来。往裕泰店，遂过小仲、次德、菊裳。

初八日 晴

通伯、巨农、次德、苏先生来。仲霞招去为其评定与仲和二嫂对换地厂事，立合同，绍纶、聘莘、绍父、勤伯等在坐。归过叶小姊。

初九日 晴

厚培来。景周来。往通白所，同赴菊裳之招陪会稽陈君。陈君精于阳宅、相墓，兼多他术云。归为侄辈陪苏子京。

初十日 晴

送苏子京行。往马庆筠强父先生所，补吊光彤轩舅。赴次德招。

十一日 早微雪，旋止

往看海峰诗，过石漪校语。厚培来。心穀来。遣人之枞阳。

十二日 晴

看海峰诗。招巨农写春联，置酒食觞之，子椿在坐。

十三日 晴

得大人谕，知十一月十三日添一妹，复上一禀。作书上吉帆师。为光孟超函致湘谷。往景周所。回看左君，过通老，大谈。

十四日 晴

作七律二首。

十五日 晴

拜祖。

十六日 晴

入西龙眠看山，过大父墓，拜焉。晚返舍，过心穀。

十七日 晴

看刘选七律。

十八日 晴

入东龙眠拜大兄厝室，送代农夫妇下埭，又看山三处，晚归较早。

十九日 晴

看刘选七律。遣人送秦师文，得覆信。

二十日 晴

入栲栳看山。有一地可用，拟为大兄购之。归过大姊家，饭。绍纶、聘莘来。枞阳人归，得试资款。

二十一日 晴

许同勳（襄）来。康平自南漳回，得大人谕、二兄信，知大人小病已愈。

二十二日 晴

往外舅所，外舅新自江西归，内人亦归宁。

二十三日 晴

外舅来。

二十四日 晴

扫理家庙，悬先像于夹室。晚祀祖，拜大兄。

二十五日 晴

作稟呈南漳。往幼孚小姪、硕夫大姪，各交南漳寄款与之。外舅招饮。

二十六日 晴

偕康平入龙眠看山，康平不取，余亦然之。

二十七日 晴

外舅来。

二十八日 晴

康平自栲栳归，言余所取之山亦不可用。晚祀祖。

二十九日 晴

料理年事，两日甚忙。夕祀祖、拜大兄，又祀天地、裴仙，封门，餽于予所居之室。

## 己亥日记

元旦 阴

门开拜天地、家庙。携寿、昂出贺年。

初二日 阴

贺年。

初三日 晴

偕通伯、伯岂、仲斐往石庄贺年。拜祖。

初四日 阴，夜雨

邀外舅、小仲叔祖、通伯、仲斐、康平小饮。七姨、大姊来。

初五日 阴，小雨

陪七姨为叶子戏。

初六日 阴

贺厚培四十生日。通伯招饮。

初七日 雨

拜祖，进元宵。外舅招饮。叶氏姊招饮。

初八日 雨

作书与江橘圃、何仲吕，告以余将省亲，三月方可到馆。又函致澹安，托代租屋，拟携眷之扬州，各赠食物。

初九日 霁

料理小事。杞门招饮。

初十日 晴

二嫂携枣、寿、昂先行，康平率二仆护送，伯纲之妻偕去。通伯来。景周招饮。

十一日 雨

偕内人往外舅处谈，夜回。

十二日 雨

遣人送油布与二嫂。

十三日 雨，夜晴

祀裴仙。外舅来谈。

十四日 晴

赴省，宿练潭。

〔十四日至十六日页眉〕由萧家店避大路右行小径抵鸭子湖，再由鸭子湖不度桥，顺堤南下行湖中，渡河行横山之东直抵练潭街北首。一路风景甚佳，可免官道泥泞之苦，但湖中水长即不可行耳。

十五日 晴，有云

傍晚抵省。二嫂于今早方到，车尚未至。携侄辈观灯，过方富春堂，常季叔侄拉入小坐。

十六日 晴

入市购物。车到。伦叔兄弟招饮。夕候船不至。

十七日 雨

作书与通白、伦叔言事。十点钟江孚船到，附之，得房舱二，船中人颇稀。晤潜山葛详生甫、刘厚斋，侯官林敏生翊，文忠公曾孙，甲午乡榜同年。

十八日 雨

下午五点钟到汉口，住高升栈。栈主田松山，武昌人，都司带炮船四。

十九日 雨

康平为雇一扁子船，价二十千零五百钱。遣人渡江以字问梁星海，得复书言：今年院章尤紧，每月逢十放假乃可往还。

二十日 晴

渡河访孙樾堂丈，小谈。拜星海不直，出平湖门返寓，上民船，移泊大观楼下。作书作〔与〕常季，托求子善画。

二十一日 晴

早，移泊五圣庙，舟人购物，久之方开。行四十五里，泊张家台。

二十二日 晴

开行七十五里，泊新沟。读《庭训格言》。

二十三日 阴，夜雨

开行百二十里，泊羊子口。阅《史通削繁》。

〔十九日至二十三日页眉〕汉口六十里蔡店，六十里新沟，六十里汉川县，三十里鸡毛口，三十里羊子口，十五里城隍港，十五里半湖口，十五里分水嘴，廿里麦芒嘴，十五里芦嘴，十五里曹家沟，三十里仙桃镇，二十里拖枪河，二十里麻阳潭，二十里彭氏河，十五里虹口，三十里岳口，十五里玉番红，十五里黑流渡，十五里张家港，十五里泽口，三十里洒港，三十里长乐苑，二十里多宝湾，三十里沙阳。

二十四日 阴

开行六十里，泊麦芒嘴。阅《史通削繁》。

二十五日 雨

开行三十里，泊曹家沟。

二十六日 霁

开行七十里，泊马梁潭。剃发。昨夜梦行一岩径，下临深谷，径旁一高墙危侧欲压人，余力推之，忽然向内崩去，而得一平地徘徊。姑记于此。

二十七日 雨，夜大风

开行八十里，泊玉番红。

二十八日 晴

开行百十五里，泊长乐苑。

二十九日 雨，晚霁

风雨横江，船不得开，与康老闲话。

三十日 晴

开行六十里，沙洋泊。雇夫拟先陆行。

二月初一日 晴

行八十里，宿麻城铺。

初二日 晴

行四十里，荆门州治小憩。又行五十五里，宿红岩寺，风景甚佳，得诗一首。

初三日 阴

行八十里，宿董家集，店主人甚殷勤，肴饌洁美。

初四日 阴，小雨，下午大风

行四十五里，武安堰，归南漳治，拜巡检左篆和。涇县人换夫又行五十里至县署，大人与二兄均赴丁游击生日之席，入夜乃返。见大人神采尚健，微瘦于前年。谈至三鼓，人乏极。

〔页眉〕左篆和、嘉穗，涇县龚子峰、傅璋，长沙丁汉臣大文，巢县，南漳游击

初五日 晴

大人生日，止叩贺，携游珍珠泉。泉为大石池，水时上泛作珠然，旁有屋，祀水镜先生。池中一亭可坐，汲水烹茗饮之。又游白马洞，洞旁大崖，依崖结屋，祀关壮缪及水镜，可坐眺县城。洞下一碑，题曰“汉司马水镜先生故居”，乾隆间立。久坐，乃入城回署。任简翁、伯纲、士宜、汉北同游。服药。

初六日 晴，大风

回拜丁游击，畅谈。

初七日 晴

得范荫堂姻丈去世之信，为之恻恻。今日大兄大祥，凄感无已。

初八日 晴

大人招客，设剧待之。是日县绅民送万民伞五、扁三、牌二十四，以大人将去也。

初九日 晴

幕宾公送剧。

初十日 阴

二嫂携诸侄到署。看朱广文。大人为作挽范文联。

[初十日至十一日页眉] 天风海涛所会曾侍公游，当时帆影马蹄间得亲旧辈；布帛菽粟之言每开吾抱，今日杏花春雨后来哭先生。

十一日 阴

料理，将行，别意甚重。

十二日 晴

辞大人、二兄行，宿丁家集。

十三日 晴，霾

午刻抵襄阳，吴仆已为雇一舟，渡江住舟中，遣人至水师右营要炮船相送。作字，付差寄二兄。

[十三日至十五日页眉] 襄阳下十五里东津湾，三十里刘家集，三十里小河，三十里宜城县，三十里茅草洲，三十里流水沟，三十里转头湾，三十里邹家集，三十里内河口，三十里龚家集，四十五里安陆府，三十里板桥旺，三十里唐港，三十里石牌，三十里马良，三十里旧口，四十五里沙阳。

十四日 大风

开行三里，风太大，野泊。

十五日 晴

开行七十余里，泊小河南，风大作。拟一书寄刘仲鲁师，欲托其致书于公，为大人换近缺。

十六日 晴

开行六十里，茅草洲小泊。又开行三十里，泊流水沟。作书与江子葭，托转交仲鲁函兼查大挑二等开选否。

十七日 晴

开行百八十里，泊安陆府。

十八日 阴，夜风雨

开行百二十里，将至马良，大风骤来，维沙滩中，舟子、妇孺皆哭，余亦微恐，

竟夕未眠。赖大人所派谷城人王三与炮船二勇，得以无患。舟阁浅，沙浪声甚大。

#### 十九日 霁

风止日出，开行七十五里，泊沙洋。舟人完厘金，遂未行。代理唐君鉴金亦于今日到此，余往拜之，小谈。有南漳差，作一字与二兄。上岸散步，桃柳新妍，麦气清爽，为之心怡，回思昨夕惊恐，如隔仙凡。闻人言，昨夕有一船踞予所泊里许沉没，人货俱不救，然则予真天佑矣，买香烛谢神。

#### 二十日 晴

开行三十里，多宝湾，南风太大，泊。上岸散步。

#### 二十一日 晴

开行五十里，泗港小泊。日落风定，又行六十里，黑流渡，已二更矣。待月上又开行十五里，玉番红，雨来遂泊。

#### 二十二日 晴

开行六十里彭氏河，上岸剃发又洗足，甚爽。旋开行六十里，仙桃镇泊，夜雨。

〔二十一日至二十二日页眉〕包子如希菌、惠济亮采、慎伯先生之孙世臣、林敏生翊，甲午，文忠公孙。

#### 二十三日 阴

五更，开行六十里，麦芒嘴小泊。又冒雨开行一百二十里，汉川县泊。

#### 二十四日 阴

早大风不能开行，饭后炮船哨〔哨〕官言：此间有行船，每一夜可到汉口，风雨无阻。因托为雇一尾，果可桨行，未昏已至蔡店，夜三更抵汉口。昨夕梦开一小合子，中有喜子一枚，以口吹之，飞集于余右肩上，回视左臂亦有一喜子，姑记之。

#### 二十五日 阴，夜雨

早渡江，先住客店，拜王泰卿，遂留其署中。饭后拜于中丞，其巡捕言过午非要公不见，约明晨往。遣人以字送星海，得复并赠近日新书数种，留余待二十九旬假方可谈。

〔二十五日页眉〕趋进。择其善者而从之，其不善者而改之。

#### 二十六日 阴

谒中丞，小谈。其丰采不及去年，以病故也。赠《援鹑》、《中复》二种先集。偕

泰卿看孙樾堂丈，遇泾县包子如通判兄弟出门，乃过其寓。

二十七日 阴

游文正公祠。祠在蛇山上，可眺远，甚佳。归过教场，看城守营兵习西操。作稟，遣王三回呈大人。

二十八日 晴

登黄鹤楼，拜吕祖像，为大人占签，词甚美。往武备学堂访罗达衡，不直。孙樾老来。

二十九日 晴

访星海，久谈，劝余初二一谒香帅再行，以香帅屡向之问也。偕泰卿访汪迂生绍宗，乙酉，旌德于臬署，遂游署园，园内有陈友谅墓。

三月初一日 晴

偕泰卿父子游洪山，日昃乃返。

初二日 晴

谒香帅未见。作稟留呈大人。饭后渡江上鄱阳船。

初三日 雨

子刻开轮，夜二鼓抵安庆，下船寓李顺和栈。

初四日 雨

不能行，伦叔以轿来迎，往作一日谈。

初五日 晴

回县。行六十五里，宿横山铺。

初六日 晴，夜雨

行五十五里，抵舍。

初七日 阴雨

大姊来。心穀来。子椿、聘莘、杞门、绍五叔来。

初八日 阴，晚霁

祖母生日，设奠。大姊来。料理裕泰往来账，交志卿手。程克成以转运不灵，飘然而去，店中诸伙竟陆续远颺，殊不可解。余家尚欠利银二千二百余金，除家中存款可抵五百余金外，为通伯、菊裳两家兑去，亦得计也。

初九日 晴

遣车先行。七姨母、大姊来。作稟呈大人，由王泰卿寄信寄二兄。

初十日 晴，夜大雨

往子椿及五老太所。入山展祖母、先母墓。菊裳来。

十一日 阴

早，雨止，候夫，至午后方来。行三十里，宿东河口。内人、小女偕行，携男仆二、女仆一，梓侄俟五月释服乃来。

十二日 晴

行六十五里，宿横水塘。

十三日 晴

行十五里抵省，寓顺和栈。往伦叔、常季所。

十四日 晴，晚小雨

往富春药店，为永祥托付管事人。伦叔赠肴酒。上趸船，得房舱一间。是日早晤梦霆、仪叔。

[页眉] 王端符

十五日 晴

候船，至下午四点钟方到，得房舱一间。程希宇、方玉山之天津，同船。

十六日 晴

三点钟到镇江，晤江允升，住其趸船上。顾一民船，约明早上船渡江。

十七日 晴

清晨渡江，午刻抵钞关门。访沈澹安，同至新租屋，开门招人扫理，内人等申刻来。往何宅晤三昆季。

十八日 晴

澹安两日为购家具甚忙，可感也。往运署晤橘圃、露圃兄弟及高纯士。

十九日 晴

开学。

二十日 晴

作书唁肯老。寄二兄书。东人招至安徽馆听剧。

二十一日 阴，晚小雨

作书与星海，寄仿宋本《四书集注》去。澹安来。

二十二日 晴

遣仆之通州视二姊。看汪钝翁文。

二十三日 晴

读《汉书》。看钝翁文。纯士、澹安来，同之教场吃茶，又入小店饮食，乃偕纯士人署送橘圃叔侄回徽州。

二十四日 晴

橘圃交其兄棣圃试帖，求为选之，因阅数十页。看英人赫胥黎《天演论》，严君复所译者。往澹安所。人不适，服药。

二十五日 阴

邀澹安并会馆首士胡祚堂、泾县人江树欣歙县人肆中吃面，遂立租约交押租，又借馆中桌三椅八几二杭一。看《天演论》。通州人回，得二姊书。

二十六日 阴

人不适，头晕、痰多、鼻塞，服药。

二十七日 阴

昨夕发烧，遂未到馆。服药。景周、巨农来视。

二十八日 晴

稍爽。得仲兄两书，知眷住襄阳，大人于十七日晋省谒各宪。扶疾招纯士、澹安、景周、巨农、范之并陈纪寅苏州人小饮可可居，皆有所答也。

二十九日 晴

看惜抱文。作字寄梓。

三十日 晴

痰犹不止，头时作晕。看《清议报》，多过分语，可骇。

四月朔日 晴

何年伯生日，贺焉。前在马良遇风，曾发愿酬神，今日买香拜焚之。又祀灶。作书与逖先，为思潜求字。

初二日 晴

读《汉书》。作字寄大姊、七姨。为人作一寿文。